

松鶴山房文集

松鶴山房文集十六卷目錄

贊

李漁叔太封翁像贊

覺道弘像贊

喬仙師像贊

崑贊

擬閩海平恭進

天妃真人頌贊

題陸山人像贊

題孫蔚若漁山圖像贊

玉林和尚像贊

某上人像贊

檀波上人畫像贊

觀音大士五十三像贊

銘

張明黃遜齋銘

靜遠齋自銘

硯銘一

硯銘二

硯銘三

硯銘四

硯銘五

杖銘一

杖銘二

方竹杖銘

十六卷目錄終

李漁叔太封翁像贊

鴻濛萃氣稟曜生。嵩冲和其貌。藹吉其衷。襟期爽朗。  
霽月光風。神明超曠。溟渤崆峒。孝思繩武。惠于宗公。  
几筵棖桷。既度且崇。利物不居。造化之功。鯤鰭有禁。  
山林鬱葱。德厚流光。黃流在中。情淡圭組。鳳翥鸞翀。  
鹿門嘉遯。寄志絲桐。梁歌冀饁。和樂且融。燕翼義方。  
毛羽高豐。馳驅

皇路。

儒業以隆。

龍章象服。榮逮公躬。

公之訓曰。移孝作忠。泰運式闢。剝復而通。子姓振振。俾熾而洪。弗祿爾康。如旭在東。

黃叔威曰。綿麗而則。

松鶴老人曰。此安溪尊人像贊也。予詣湖頭。其尊人命予作贊。安溪抵省。亦爲先人題像。彼此執猶子禮。唯謹。後安溪負約。其尊堂及其伯叔昆仲。皆深咎之。而莫能挽。然不知其且下石也。存此以誌。今昔傷感之痛。觀者當亦爲扼腕也。

覺道弘像贊

岳峙丰裁。淵渟器度。摘藻石渠。探奇武庫。文傾萬斛。  
之泉源。筆洒九天之風雨。三軍凱奏。擐甲喜聽。饒歌。  
大將功成。倚馬欣看。露布宜其圖。姓像於凌煙。垂勳。  
名于竹素。胡爲乎躋巖石。而高騫陟層臺。而翔步。豈。  
其志匡區宇。思攬轡而澄清。抑或興寄滄洲。爰登高。  
而作賦。意者振衣千仞之岡。獨砥狂瀾之柱。傾藿葵。  
於皎日。遙瞻宸居。望萱草於白雲。遠眺薊門烟樹。

北極。



得一道人曰短幅中寫照獨絕唯相知深故說得出  
來

金陟三先生曰百餘字耳無筆不轉無意不到行  
文更復秀逸

黃叔威曰其丰神搖曳處全在用筆數轉

喬仙師像贊

苞元氣而凝神。涵太空而脫影淵。澄岳峙松栢千尋。  
風卷雲舒。烟波萬頃。詞源傾倒。寧誇萬斛之泉。筆陣  
飄搖如泛六橋之景。明月照杖藜飛去。天半笙清丹  
霞迎羽蓋歸來。山間鶴靜。胡不遨翔于縹嶺。胡不嘯  
傲于蓬瀛。蓋神龍騰霄。隱顯其形。威鳳鳴岡。遠近其  
音。畱四百年。色相于園中。闡先儒本來之面目。驅千  
萬變蛟螭于楮上。洩大地未發之精英。

得一道人曰神仙度世若隱若顯之機數語道破

凡贊

荆山蘊璞石。含光結綠潛。淵川耀芒縱。橫經緯。劈箕  
管。離披雲錦爛。天章萬里長。空一鶴翔離。泝沅兮下  
大荒。神所寄兮變無方。風雨集兮蛟龍驤。星飛電掣  
不可量。磅礴河漢列文昌。顓蒙詔怪喜如狂。須臾尺  
幅滿琳琅。

得一道人曰當爲此題第一篇文字

黃叔威曰高邁蘊藉如古樂府

擬閩海平恭進

天妃真人頌贊

自古帝王鴻烈侔乎天地。斯川岳臻清晏之休。盛德通乎幽明。而神人普和洽之慶。揆厥由來。非一日矣。我

皇上御極之十有三年。勤政愛民。人安物阜。雍恬既久。豐孽乃生。崇發滇黔禍。連閩海。萑苻之烽。捲土。蛟鯉之浪。排空。我

皇上宵衣待旦。勤勵答

天。旰。食。疇。咨。殷。憂。啓。

聖。維。民。艱。之。是。悚。遂。

帝。意。之。潛。孚。授。鉞。綢。藩。分。符。大。帥。爰。以。丙。辰。之。歲。鐵。騎。飛。渡。

重。關。丁。巳。之。初。金。戈。掃。清。邊。海。爾。乃。鼠。黨。餘。凶。猶。且。裒。心。肆。虐。負。嵎。竊。發。倚。窟。潛。藏。下。盜。

王 鈇。上。干。

大。怒。恭。遇。

天。妃。聖。母。眞。人。

天 曹。玉。闥。

地府金閨吾闔功德之明神而歷朝威靈之大祀也剛而克武義以兼慈體

聖主南顧之憂廣

上帝東

育之德時值艤舳初駕樓櫓爭馳洪波萬頃孫吳之九地安施巨浪千尋黃石之六韜莫展

天妃

乃赫不測之威神顯聞聲之道力驅河伯以效靈鞭海若而助奮風翻霧湧蛟龍泣斷于深淵電掣雷轟鵬鶚驚飛于碧漢我師乃同心敵愾賈勇圖功馘渠魁子旄頭繫羣俘于艦後于是天開日霽鐃歌沸萬

里之濤浪息。波恬瑞氣霽。三山之色班。超三十六衆。  
威震羌西。謝羯八千餘人。功成淝水。自古已然。于今  
爲烈。匪繫人謀之允。實緣

神

力之宏。海甸屹若金湯。永爲功德不祧之祀。東南安  
如磐石。實稱威靈最赫之神。老幼競持酌醴。共致明  
禋。

國

家載錫璧圭用光

寵

命肅几筵於吉日。崇榱桷於千秋。下土臣恭觀其休。  
敢獻頌以颺其盛。係之以贊曰。

天輔

國

南岳萃氣湄水凝精曇花煥彩名媛挺生德佐坤極  
道配乾清紫微協輔水府權衡仁心廣運矜此遺氓  
電驅蛟鰐風掃駭龍波瀾靜晏海宇昇平體

神力鏗鐳求崇廟祀奕禩維禎

得一道人曰此乃丁巳之春乩筆以此命題神預以  
蕩平告也至甲子年始應立筆揮成不加點竄乃  
知古人倚馬磨盾不足奇也

黃叔威曰雖頌天妃可作閩南露布其筆力壯勁



處幾於翻唇樓而走蛟鱗

題陸山人像贊

若有人兮山之曲。荔其衣兮羅其屋。石巖巖兮作鄰。  
泉淙淙兮濯足。豈其泥塗軒冕而嘯傲於岩谷。抑倦  
遊燕豫而將返。夫初服而君乃頽兮。處順淵兮。獨復  
齊萬有於方寸。渺兩大於一粟。

題孫蔚若漁山圖像贊

萬壑皆秋。衆山落翠。白雲在天。黃花滿地。將枕流以  
洗耳。或漱石而礪齒。若人乃振衣千仞之巔。將投竿  
於溟渤之涘。噫嘻。君方以太虛爲舟。六合爲柁。清風  
爲鉤。明月爲餌。網巨鯢於北溟。稽長鯨於西澨。烹六  
鼈如小鮮。醢二龍爲一器。造物方怪其貪。愚公亦憚  
其銳。誰云志不在魚。徒顛倒乎斯世。

得一道人曰。贊語壯闊當之者難矣。

玉林和尚像贊

秋水爲瞳面滿月相好威儀無欠闕想見

龍墀說法時天花如雨

天心悅

某上人像贊

戟。監。鬚。眉。星。寒。眼。角。拂。子。右。拈。如。意。左。捉。道。是。度。人。  
心。切。兩。手。齊。來。詎。知。色。相。本。空。四。大。無。着。

檀波上人畫像贊

戒律精嚴。應自許。慧遠北來。何事大千世界。盡虛空。  
隨地是安身處。獨坐匡床。誰共語。只許念珠作侶。  
靜中一口吸西江。灑作長安法雨。

觀音大士五十三像贊

第一普陀正面法身

靈鷲分光普陀示現惠我衆生同登彼岸。

第二雲中騎吼廻顧

法相巍然座昇金吼憫此羣迷空中廻首。

第三現鬚眉相藉草舒右足而坐

女身說法愧彼鬚眉法性常在觀我于思。

第四趺坐蓮花上

地湧金蓮法王寶座願天人師分香一朶。

第五騎獅子雲中童子白鸚隨侍

獅。乳。雲。中。塵。夢。驚。起。白。鸚。鼓。翼。童。子。頂。禮。

第六足蹈鼇背俯視下方

鼇。背。騰。身。飛。渡。雲。海。俯。視。塵。寰。法。種。誰。待。

第七跌坐磐石雲出石間白鸚飛回

雲。飛。出。石。鸚。飛。知。返。法。性。寂。如。其。則。不。遠。

得一道人曰如是如是

第八跌坐觀水中月

月。在。水。中。是。一。是。二。大。士。垂。慈。闡。真。實。義。

第九竹林中童子合掌作禮

寶鬘珠璣竹林現像三千大千普同合掌

第十蓮葉渡海白鸚隨之

一葉蓮舟真人飛渡白鳥隨波勞我廻顧

第十一倚石而坐龍女執瓶侍側

經在石上水在瓶中大士女童法性本空

第十二立蓮葉上渡海白鸚飛來

止此法航歷遊性海衆生皈我尚堪共載

第十三手持魚籃欲授童子



得魚忘筌何事携籃接引童蒙且令負擔

第十四携籃貯笊籥四五具童子拜請

衣鉢相傳 籥亦爾拜請雖慙非時勿界

第十五遍地蓮花手執魚獨行

遍地金蓮携獨往臨淵羨者誰能結網

第十六被草衣執寶塔童子禮拜

草衣舉塔褐中懷寶爾以誠求同觀大道

十七獅座蒲團白鸚瓶柳

大衆瞻禮向此蒲團佛在是否聊作是觀

第十八坐海中石上童子現圓光有雲覆之

塵浪下翻慈雲上覆一心歸依圓滿成就

第十九背坐倚楊枝童子自後匍匐白鸚飛鳴

接引

匍匐以求忽然在後白鸚叫呼楊枝拂手  
得一道人曰隨境得圓通妙諦

第二十虬髯抱膝石上獅子穿石而過

獅子奮迅金石爲穿虬髯壯士孰謂嬋娟

第二十一立圓中手托蓮花

同。在。圓。中。孰。處。其。外。微。笑。拈。花。此。意。誰。會。  
得。一。道。人。曰。妙。諦。觸。境。隨。手。而。來。可。謂。圓。通。無。碍。矣。

第二十二端坐海中石上瓶中蓮花一朶  
塵。浪。掀。天。不。侵。法。座。瓶。中。青。蓮。亭。亭。婀。娜。

第二十三倚石焚香手執經卷

慧。從。見。生。三。藏。備。具。慧。從。聞。入。妙。香。一。炷。

第二十四曾現蓮花韋馱空中合掌

蓮。臺。九。品。示。現。靈。臺。護。法。諸。神。咸。稱。善。哉。

第二十五支頤而坐神龍擎珠上獻

蜿蜒毒龍明珠上獻我自珠大千照遍

第二十六坐蓮花上童子自葉上執瓶遙擲  
是佛是童誰與誰受是葉是花孰先孰後

第二十七足下瓶傾水湧童子投身水上

瓶傾甘露法水騰沸童子欣然捨身如棄

第二十八趺坐石上荷花無數遶之

片石危坐金蓮繞繚法性堅凝佛光四照

第二十九雲起水中蓮花簇擁

蓮在水中或在雲際大地山河同現聖瑞

第三十雲中正立童子禮拜

一切衆生同心瞻拜願此慈雲遍三千界

第三十一立淨瓶上渡海童子立蓮花上渡

法海慈航總無定相瓶臥可浮一葉衝浪

第三十二手執楊枝龍女前導

甘露楊枝普施法雨利益衆生天龍拜舞

第三十三坐大海浪中石上

塵海常動覺海常靜一動一靜孰是真境

三十四坐海岸上童子在浪中禮拜

逐浪隨波但知稽首彼童之心是耶否否

第三十五龍女自座後拜大士廻顧瞻拜既勤佛亦一顧彼有心者皆令得度

第三十六左手執淨瓶右執楊枝遍灑

坐也楊枝行也楊枝隨地甘露一灑均滋

第三十七手執魚籃廻顧童子

目顧童子手復提籃魚有佛性與汝同叅

第三十八蒲團上手執念珠老人扶杖指問

引導有緣念佛無他扶杖老人指問甚麼

第三十九童子舉淨瓶鸚鵡飛來就之  
淨瓶舉處鸚鵡飛來化機禪意了不相猜

第四十神負童子雲中太士廻顧

得乘神力負登雲端悲心遙注天眼垂觀

第四十一坐蓮葉足踏蓮花

蓮葉爲座蓮花承足普願衆生蓮池根熟

第四十二倚石而坐童子伏地禮拜

求無上道五體投地念到無念卽一義

四十三鼻中光現大士立花上童子合掌

光中化佛無非自性善哉童子合掌恭敬

第四十四竹林中手執經卷

不離竹林跏趺石磴闡無字經待誰諦聽

第四十五七寶欄楯蓮花繞之

勝報莊嚴世人皆識隨地修成應須省得

第四十六榻上重茵而坐

細氎重茵現大自在觀聲聽色圓通無碍

第四十七衆夜叉爭扶法座

天龍夜叉爭扶法座各自發心莫論幾個



第四十八坐蒲團上童子手擎鸚鵡

法性真空何分物我手中鸚鵡擎放俱可

第四十九現老僧身手擎香爐煙中現大士相

爐煙一起雲靄空中對面者誰變化無窮

第五十雲中現佛相大士作禮

雲中一佛禮者一佛是爾是我如水中月

第五十一坐竹林中童子立危石上稽首

危石稽首皈依彌切能勿垂慈慇懃拯接

五十二騎象雲中

以大神力調伏狂象任意遊行人間天上

第五十三散髮虬鬚草衣百結蓮花作圍繞之  
隨願現身變幻奇竇一片婆心何時得了

得一道人曰隨手點染皆有禪機妙諦棒喝真具千  
百萬億化身手段者舉世讀之應爲下拜

張明黃遜齋銘

泰華受塵。滄溟承潤。凡百章縫。厥修惟遜。傳巖納誨。  
斯義肇彰。志滿際成。氣盈導荒。謂余矚明。昧照在睫。  
曰。余聞聰達。聾聽。懼名眩鼠。璞技鈍棘。猴鬯陳玉。瓚  
奚侈函。牛夜光潛淵。以游以泳。連城韜荆。追琢是用。  
布帛菽粟。味泊彩鱣。溫不厭服。馨不厭咀。朝斯夕斯。  
載升惟旭。假石他山。敢告司僕。

得一道人曰。蘊藉深厚。古色斑駁。夏彝商鼎。非耳目  
近玩也。

靜遠齋自銘

坤○藏○其○用○而○一○德○承○乾○艮○止○其○初○而○貞○恆○不○騫○寧○吾○  
神○息○吾○肩○以○延○吾○年○

得一道人曰靜遠取象又得地山之謙仁者之壽

硯銘一

有。扁。斯。石。追。琢。其。章。告。于。文。人。邦。家。之。光。

硯銘二

我。心。匪。石。溫。其。如。玉。維。其。有。章。聞。于。四。國。永。言。保。之。

君子有穀。

硯銘三

他。山。之。石。如。圭。如。璧。君。子。萬。年。矢。其。文。德。

硯銘四

直。方。大。以。中。正。其。德。剛。其。文。炳。

硯銘五

文。明。以。止。觀。國。之。光。至。靜。而。德。方。君。子。以。自。強。  
得。一。道。人。曰。湊。合。天。然。古。茂。名。貴。文。心。至。此。信。手。拈。

來。條。條。是。道。矣。

杖銘一

輪菌盤屈誰爾容歟。旱則資舟。水則資車。持危扶顛。含爾何湏吁。

杖銘二

登高行遠。吾志弗縈。借資扶老。課饁趣耕。陸步必戒。幸毋我傾。

方竹杖銘

爾類皆柔。而爾則剛。爾類皆圓。而爾則方。不用不舍。非行非藏。於國於朝。曷於其鄉。曰危爾扶。曰顛爾匡。

姑隨地以徜徉

得一道人曰深厚蘊藉立言有體



松鶴山房文集卷之十七目錄

傳

許母黃孺人傳

李葆甫先生傳

解介士傳

曾二改傳

丁夫子傳

副都統吳公傳

都統楊公傳

都統李公傳

鎮海將軍都統馬公傳

力灼庵先生傳

許母黃孺人傳

許有介先生之元配黃孺人。永陽太史坤五公女也。太史學問深博。爲當世宗治家肅而有紀。孺人幼嫻孝經大義。母張恭人疾篤。刲股以療。殆而復瘳。其天性淳孝。自爲女時。家人已驚異之矣。太史與學憲許玉斧公同舉於鄉。先後成進士。文章聲望並價一時。歡相得也。玉斧公分憲浙東。坤五公邑於山陽。乃爲有介先生締姻焉。于歸後。以學憲公命奉太姑李淑人姑劉淑人歸里。孺人各事之以謹。處妯娌尤能和。

曲盡道得其歡心學憲公及淑人之先後逝也時太  
淑人年九十餘矣孺人侍盥饌必親問省必敬病必  
嘗醫藥歿則盡哀盡禮不異淑人之所以事太淑人  
者焉淑人女三其二尚未字也孺人撫之教女紅書  
史及笄而奩飾之屬皆躬自檢理務極精良蓋諸姑  
之於嫂猶母也孺人既爲姑盡婦道復能爲姑盡母  
道而皆不煩有介先生一言以故族黨姻戚諸大小  
親疎莫不稱孺人賢

國朝鼎建有介先生自以故家子弟遂自放於詩酒文

章又天性倜儻不問家人產業孺人欲成其志也凡  
租課桑田以及賓祭贈遺周恤親屬無一不躬任勞  
者而先生所交與皆海內知名士座屨常滿當其酣  
歌索句累日達旦以爲常孺人主中饋忘寢食無幾  
微見於顏色有不充卽解簪珥爲具不令先生知也  
蓋庶幾古雞鳴贈佩之意焉孺人舉丈夫子不育時  
年尚未三十也而孺人自幼讀書慕樛木逮下風卽  
決計擇名淑爲先生嗣續計然非先生意也孺人力  
贊之連舉丈夫子二卽不棄不入兄弟也長君不棄

幼嬰痘疾幾殆孺人抱持二十四晝夜困頓不倦目  
幾失明而長君竟無恙微獨孺人忘其非已出卽家  
之長幼莫不以爲孺人之愛篤于所生也癸卯夏有  
介先生寢疾孺人躬侍湯藥者累月百計問醫呼籲  
竟不起時長君年十有四仲君甫八齡耳請人撫靈  
牀慟曰以是藐諸孤未亡人不得卽相從于地下未  
亡人之痛也然以是藐諸孤未亡人遽相從於地下  
而不克令其成立是又亡者之戚也用是督二君雖  
愛而嚴常曰而父行其志吾不願強也然光大門閭

亦賢子孫事也。爾曹其勉之。以故不棄兄弟。篤言行。慎交遊。所過從。皆其父執。與世之先生長者。歲辛亥。不棄省其叔父侍御公於京師。遂入國學讀書。不入亦補弟子員。文聲籍籍鄉之士大夫。羨不棄兄弟。皆推本孺人之教。不衰。孺人曰。今而後。可以見夫子於地下矣。蓋自先生歿後。族之子姓罕有覲面者。每歲時。伏臘未嘗不撫轡而慟。絕而復甦也。無何而變起甲寅。逆徒相煽。狼顧虎視。縉紳子弟。無日不在憂患中。攘臂濡首者比比也。孺人曰。爾叔父受。

國

厚恩爾曹雖未一命亦儲材地也且若輩其可立待乎啜菽飲水屢瀕困辱而不悔也

王

師南下衆方以兵革爲虞孺人曰見天有期矣夫何憂己而閔省晏如卒如所度南北道通侍御公得家音歡然益歎孺人之先識也丁巳冬孺人遘疾進藥餌則却之曰未亡人一日之生一日之戚也今諸孤長矣幸可告無罪于九原庸求生乎不棄兄弟徬徨迫切徧呼籲于天地神祇減年請代諸媳皆晨昏侍奉無間孺人憫家人之孝思勤勞也乃強進藥疾革



清故。

呼。不。棄。兄。弟。謂。之。曰。爾。父。承。祖。之。志。爾。曹。光。祖。之。業。  
一。也。篤。而。友。于。和。而。妯。娣。無。隙。前。人。家。聲。勉。之。而。已。  
且。今。日。余。歿。得。題。其。旌。曰。  
某。孺。人。於。願。足。矣。較。之。告。隕。於。三。載。顛。連。困。苦。僭。亂。  
之。秋。不。猶。愈。乎。乃。瞑。享。年。六。十。計。聞。於。親。族。里。鄰。無。  
一。不。嘆。息。流。涕。念。其。仁。孝。恭。睦。之。德。而。傷。悼。無。已。云。  
論。曰。以。余。所。聞。古。之。名。媛。多。矣。未。有。如。孺。人。之。遺。大。  
投。艱。而。能。勝。任。愉。快。者。也。卽。盡。道。於。家。惠。及。子。姓。者。  
亦。不。數。數。見。矣。至。於。相。夫。以。成。其。志。教。子。以。堅。其。守。

明于大義如孺人者尤未之前聞余與侍御公官京師爲忘年交聞閭德最詳及歸與不棄兄弟同際艱危晨夕與共有子姪訟故爲約其大者如此至孺人之勤儉整肅歷危困而茹荼飲藥未嘗刻安處難處之地而能曲折周至使諸內外族戚無間言數十年如一日者尤非余之所能盡傳也存其略以爲彤管之光採風者或有取焉

喬大師曰傳孺人而生前事業德性宛然猶存至于穿插叫應純從大關節處着眼此文體之最貴者

李葆甫先生傳

李葆甫先生名曰燦。閩泉之安溪人也。少卓犖不羣。總角能文。頃刻千言。矯矯有奇氣。郡士大夫咸器重之。以諸生高等明經入太學。先生學根抵六經而文章出入史漢。議論英闢。迴出人意。表性好施。然諾必果。自是都人士莫不知有李葆甫先生也。先生狀貌魁岸奇偉。氣度深沉。負大略。其爲諸生時。值明季天下多事。乃益探孫吳陰符之祕。思得一當與人談及時事。則喟然太息。慨有國士風。里中有執政家居。

國

者先生條上便宜十餘事皆切中當世務執政者必異之而時事已不可爲矣

朝定鼎闢以海濱輯寧未幾而永春德化諸縣萑苻嘯聚掠居人以要重賂有司莫之禁也先生有弟及弟婦暨從子十餘人俱陷賊中先生天性孝友竟身詣賊壘陳禍福賊大感動將釋之適有阻者遂不果先生亦竟得脫歸乃悉捐家資號召三縣子弟謂之曰葆甫弟困于賊待救之日久矣吾義不與賊俱生孰能與我同仇者乎里人感其誠咸附焉得數千人

時賊據險立營備甚嚴難卒取也先生偵知山後峭壁千尋防禦稍疎乃募樵採十餘人夜半緣崖先登餘衆蟻附而上截竹爲簷築吹之呼聲動天地值大氛霧咫尺不辨色賊出不意驚駭奔觸輒殲之賊棄營宵遁乃乘勢追奔逐北前後設奇出險攻戰五閱月屢以百十人破其黨數千衆賊窮促請降諸子弟後先得出三縣悉定有司上其功將大用賊黨以他事擠之竟弗錄先生夷然弗屑也蓋先生以書生數月而平巨寇蹟最奇婦人走卒皆能道其事太學期

濯得郡倖棄弗就優游田園課子弟讀書其視世之  
因時會以取功名者固不以介介也今先生年六十  
餘而意氣矍鑠論事磊落超特不減少壯至胷次瀟  
灑則若充然有得者蓋先生之神明遠矣

論曰李葆甫先生固當世所共稱豪傑士也然世多  
奇其破賊一事乃以不大用於時設施未竟爲先生  
憾其知先生者已淺矣夫所謂豪傑之士者其用意  
深遠初不必盡令人知之其抱負所存亦不求當世  
共見之也至於天性所觸義勇奮發亦取懷予之假

由此而握金虎符封侯萬里外而寧有加焉昔師尚父年八十始秉鉞建旄當其垂綸渭濱鴻鵠未舉神龍不雲寧遂無以自異哉然此可爲知者道未可與拘瑣齷齪之士同日語也至夫棲遯泉石樂其天真較世之執圭膺組而俯仰趨趨者世必有能辨之又奚俟予言

得一道人曰摹寫戰事精神生動不減左史贊入蔚宗史中幾莫能辨

王方穀曰負大略人未有不深沉者兩竟字是大

略人身分不令人知是大略人曾懷屠羊肆終  
不改其屠羊與范少伯屢致千金是一意并辭  
續由之封侯又何足道哉

黃叔威曰簡潔有法神似龍門



解介士傳

解敖者吳人也。其先狼蠋。妻曰博帶。夫婦佐禹治水。導江入海。有功。帝念其勞。使主江。淮。南。海。之。祀。而。納。藁。秭。焉。周太伯入吳。其子孫有牟氏。實佐之。族益蕃。支庶食采於解。遂別爲解氏。自解狐。解揚。顯於晉族。實聚於吳。至敖而始大。敖少以武勇聞。好被介。擁劍。橫行江淮。其族人散處田間。率不事力。穡。伺。歲。熟。率其宗。刈。鄉。人。穀。盡。歛。致。於。敖。以。故。吳。稻。無。遺。種。焉。鄉人苦之。會吳王夫差將修怨於越。下令國中募介士。

無應者夜夢蒼衣丈夫介而受突入王宮寤而悸召太史筮之得離之解端策而賀曰他日之獲非鱗非鳳非鱗非翔黃中而負筐玉質而金相於象爲離於姓爲商曰充蒸嘗吳其爲諸侯之強乎無何國中有以敖名聞者吳王使延致之較恃險竄草澤不出其族人爲毒益甚捕之急弗得王念伍員者故蘆中人也使將兵以往員曰吾聞敖勁而銳然無腸可智取也選壯士伏大澤中夜縱火焚果率衆譟而出悉擒之加束縛獻俘於王王使太宰詬詰其狀較怒目前

曰。王。今。所。早。朝。而。晏。罷。者。非。越。乎。願。越。如。敖。輩。且。百。  
數。種。蠡。二。豪。在。焉。王。其。圖。之。臣。請。以。子。弟。千。餘。自。江。  
浮。海。箝。制。其。後。庶。可。以。得。志。敖。應。對。不。屈。咳。吐。皆。珠。  
璣。吳。王。大。奇。之。使。太。宰。解。其。縛。饗。於。章。華。之。宮。自。是。  
嘗。被。介。侍。左。右。其。宗。人。率。水。軍。浮。海。一。如。其。策。卒。破。  
越。強。吳。者。敖。力。也。敖。外。剛。內。柔。與。人。交。剖。心。出。肺。腑。  
相。示。久。不。厭。自。吳。王。後。宮。太。宰。以。下。士。大。夫。國。人。皆。  
器。重。之。爲。王。宣。德。意。膏。澤。必。下。究。焉。然。性。躁。而。多。言。  
且。自。負。其。先。世。以。爲。在。豕。韋。氏。之。上。又。嘗。慕。衛。史。魚。

晉羊舌氏之風太宰嘗抑之敖不能平請與論功曰  
王有事於越吾子弟出死力負芒披葦入海望潮撥  
棹蒙虎皮以冒鋒鏑雖弱皆勞於王事子孰與我太  
宰曰唯唯敖曰王盟於黃池吾拓地東達淮泗西至  
豫章九江數千里使七十二諸侯皆有聞子孰與我  
太宰曰唯唯敖曰王與西子宴于姑蘇屏諸大夫獨  
吾與執火者侍王沉酣達旦吾每節焉子孰與我太  
宰曰唯唯宰曰三者皆吾下而嘗吾抑何也太宰曰  
方子見縛王實使我襍治焉子雖赤心微我安得進

款不應然心惡其專每動作微箝制之自是太宰欲害敖無虛日矣敖侍王久與左右益狎微有所中傷太宰乃譏於王曰敖悍而兵利身不可近也昔管仲相齊以鹽筴霸微敖莫可事此者乃邑之海鹽三百戶敖謂其屬曰王信譏而厭剛吾恐麋鹿復遊於姑蘇矣速營精丘吾將老焉自是緘默不復言竟老於海鹽越滅吳其子孫或改爲彭氏漢興彭王佐高祖有功以叛蒞醢其族多散于江淮南海尤盛云太史公曰余與欒生遊欒生爲余言其祖布爲彭王

客時王嘗述其先世如此。敖將卒謂諸子曰：吾族起田間，以介士見知於王公士大夫，於願足矣。吾子孫或恃武弄兵，以橫行天下，吾恐若敖氏之不血食也。至彭王果應其言，可不謂智哉！使彭王守先業，勿替臣節，膏流天壤，當與借箸分肉之功，爭烈竟以肆毒自醢，其宗悲夫。

得一道人曰：奇幻較勝毛穎，寓意乃在一贊，設想却有裨名教。

黃叔威曰：逸宕奇肆，出入左史，贊雄邁絕類，子長。

曾二改傳

曾二改先生字惟佐志在朝夕改過號曰二改慕曼倩吏隱謾世以依隱名其堂公幼倜儻不羣操觚卽先正自命辛卯以易中副車更禮經甲午領鄉薦制義衣被天下三吳名士翕然稱大家總角爲詩歌古文辭自左國泰漢而下喜昌黎臨川及老泉顧不喜柳州詩直步高岑刻依隱堂詩略百餘首多公未筮仕時從諸名宿倡和作也乙己從選例司李廬江廬舊有冤獄案已定斃囹圄者二矣公不欲以人命徇

人卒平反之活八命爲政不茹柔吐剛人不敢干以私事至立剖庭無留牘每讞決必其難其慎折衷于情理法夜分不寐得情而心始安改補豐潤適計部以豐地膏腴入八旗以他州縣地償民仍輸糧豐邑豐地畝糧三分他州邑乃數倍不等民甫失業新地未及田而責重賦民大困公屢請於撫軍不獲乃躬詣保陽向撫軍及監司反覆推論卒得疏請闔邑如更生歲庚戌

聖駕

大蒐畿輔辛亥



駕幸留都謁

陵公飭

天顏

郵傳備芻蕘。豐邑父老子弟咸喜覲。  
若不煩供億者。蓋公凡事每捐橐以甦民。而民不知也。然仕宦歷年而閩中田廬鬻十之七矣。未幾以治最擢宛平。畿內奸民多恃旗勢。警良善。公抑強扶弱。半載而豪猾斂迹。聲望重長安。諸名公鉅卿皆以臺省相期。竟以他案註誤。已乃補秩畱都之承邑。承故民稀事簡。公到值有輓漕邊外之令。伐木治運艘。練舟人。編戶寥寥。當事束手。公性明敏。有識斷。大利害。

一二言而決。又善委曲調劑。既無悞公。而民陰受其賜。當事倚爲重。公遇事每肩艱鉅。不辭同官樂得爲領袖。當其見力已定。雖責育不可奪人。或憚其倔強。然究未嘗不諒其廉平。無他也。公忼爽不飾邊幅。胃次瀟灑。無纖介齷齪。與人交不設城府。不爲鉤距。出肺腑相示以恩怨。聽之人受託寄。必竭力爲謀。雖被負累。不悔家居。無獨酌遇良朋。則達旦豪飲。不倦兩載。節推三爲邑令。無入幕之賓。入其室。几案琴書蕭然。若無錢穀簿書之責者。自司李廬江後。以刑名至。

重不專意詩文。然間有題咏。必力追正始。嘗自作小傳。與致磊落在筆墨之外。始公登賢書。余在襁褓中。後同官京師。爲忘年交。余坐謫。詠居瀋陽。公蒞承邑。下車勞苦如平生。歡余。後忘在謫中。公亦忘余之在謫中也。公負廊廟才。而寄懷丘壑。寫像扁舟。垂綸不請。干當道之名卿大夫。而屬余一言。余欲成公之高致也。乃爲叙次其略。係之以贊曰。

濟川其具滄洲。其趣一瓢。千卷科頭箕踞。掌握絲綸。中流砥柱。汪汪千頃。霽月光風。吾將遇公于毫素。

黃叔威曰傳曾公而知其作吏著績豪爽慷慨處  
寫得精采躍躍確然可傳洵史筆也

丁夫子傳

嗚呼歲戊寅季冬之月始得重瞻謁我

澹園丁夫子于燕邸距庚戌受知二十有九載矣夢

甯不幸遭謠詠遠謫留都辱身牛馬弟夢鵬復受我

夫子知列弟子員顧又碌碌無似至戊寅十月甯蒙

聖天子鑒其寃

恩召入都置

禁近侍

皇三子誠郡王讀書未幾聞吾夫子寢疾逾月遂捐

館泰山梁木之痛莫能自勝繼我夫子生平以  
入事君大節近世所稀不可無以傳吾賤不足以傳  
夫子竊考古名公鉅卿其門生故吏或爲之述其行  
以求表章于當世爰以行述體爲傳考其家乘兼採  
諸鉅公誌銘序次其大者俾後之史氏有所據焉按  
夫子先世湖南醴陵唐弘道中始祖某令豐城遂家  
焉世有顯者父某隱居不仕天性孝友讓產恤孤族  
有曲直待決焉舉丈夫子四 夫子其次也幼警敏  
日記數千言讀書至丙夜不休太淑人慮其過苦止

國

之乃藏燈默誦九歲太淑人先逝值鼎革江右荒亂  
播遷靡寧偕諸昆弟奉太夫子採薪供爨甘旨無  
曠歲丙申補弟子員屢試列高等四入棘闈丙午舉  
于鄉丁未成進士選讀中秘書不事干謁至于  
家典故政治因革皆留心講核居恒謂士君子立朝  
大則行道濟時次則唯是矢公矢慎以人事君於讀  
書初心庶幾無負己酉改授戶部雲南司主事漕務  
煩劇綜核精悉大司農倚重焉庚戌分校禮闈得士  
二十有一人選庶常者五今司寇總督兩江張鵬翮

詹事府少詹朱阜侍讀學士德格勒秦中學憲俞陳  
璣而夢雷之不肖與焉其他入爲曹郎出歷方面縣

令所至皆卓有聲稱人才爲最盛辛亥督畿左會出  
納惟慎以外艱旋里廬於墓所服闋補戶部福建司  
員外督漕通州悉革陋規弁丁勒石頌德晉工部虞  
衡郎中內務府一切供應嗟立辦壬戌督理內河  
不憚勞瘁未幾擢福建學使者慨然曰今而後庶爲  
子簡真才以成吾志乎且八閩吾高祖宦遊地當年  
以廉約自奉故有豆腐御史之目今寧可墜前人家

聖天。



聲自是按部所至。絕苞苴。杜請謁。所簡拔八郡一州。五十七縣。悉皆孤寒知名士。先是閩經寇亂。賓興典停者再。學使者又貪黷相望。而閩士習敦樸。恥改業。至白首抱殘經。不得一青衿。士氣沮喪。至是每榜出。鼓舞懽呼。有至感泣者。吾夫子又加意訓導。頒立條約。釐正六書。每試日。自作程式。以示諸生。卽拜跪揖讓之儀。莫不從容立之。規則修諸郡邑。

文

廟暨先賢祠。重建福州名宦祠。及三山書院。道山朱文公祠。延平修正學祠。士心競奮。甲子鄉試。新進獲

雋者二十七人。餘皆歲科前列而候官一邑新進十五人。其一早殤十四人。先後皆雋。得人之盛。前此未有也。乙丑復命琴書襍被外。無長物。諸生徒聚擁馬首。不得前。諸郡邑爭建祠立碑。會城紳衿祠之于道。山景堂又刻木像祠之奎光閣。甚且配祠之於關壯繆廟。比戶頌謳稱爲。

國朝四十年來文宗第一。殆無愧云。丁卯分藩山左。汰胥吏絕餽遺。修葺城垣。官舍新學宮。創書院講堂。皆不取之民間。又延師傅。命諸生講課。清復學田三千。

廠有奇以贍貧士。掖邑科名不振。至庚午獲雋者三人。時值登萊二郡洊饑。檄借近州縣倉穀設廠煮粥。以待間親詣嘗其可否。遠地不赴廠者。給以銀錢。全活數萬計。招徠流民。使各復業。二郡以寧。萊治距海。民皆業鹽。輸課官民便之。有奸商連土豪爲龍斷。鹽價頓增。乃詣省力言利弊。于當事除奸商復舊制。比自省歸。合郡焚香頂祝。相望於道。有墨吏自知無狀。以賄求容力拒之。卒於計典罷去。土豪某結守令爪牙爲奸。萊民怨入骨髓。廉得其狀。寘之重典。在任七

年以丁繼母艱去任。民皆號泣罷市。居家修家廟宗譜。卹族姻鄰里之貧者。爲之葬埋婚娶。藥病人。救溺女。瘞枯骨。贖俘掠。甃衢路。修橋梁。生平既不事封殖。又性好施予。以故橐無餘資。薄田僅供饘粥。或諷以宜爲子孫計者。答曰。子孫賢無事此。否則當令自食其力耳。丙子服闋入都。己卯夏卒于京邸。年六十有三。所著有理學源流問心堂劄記。豐城文獻五花閣詩集。校士存彙衡文七則八閩學政登萊政略數十卷。夫子生平襟懷灑落。口不言貧。而施予不倦。平

居無疾言遠色在官未嘗妄撻一人僕隸不輕訾詈而鋤奸剔弊則毅然不可奪恂恂不務虛名而獎拔人倫所造就皆綽有樹立其率于京邸也值閩中選拔公車入都者多門下士皆哭失聲去蓋夫子當官政績多可紀約其大者如此當世或知余非阿所好云

論曰我

國家自

歷祖章

皇帝赫然置不肖主司于法而二十餘年中科舉之

弊一清我

皇上

禮遇臣下欲以德化其貪而近世士大夫多貧困不

克自樹立遂至甘負

聖慈

冒法禁不顧然卒以敗免者亦僅矣嗚呼吾夫子

庶無媿以人事君者哉

得一道人曰神似遷史叙事皆據實不事增飾關鎖  
過接處得法便令精彩躍如班范以後恐未易到  
此

副都統吳公傳

公諱吳申。姓鈕祜祿氏。父巴賴。天命初爲薩爾滸城守尉。生公公幼卽能持強弓。善騎射。嘗獨射殺一猛虎。每陰霧晦冥。夜行不迷。所向崇德五年。年十七入伍隨。

太宗文

皇帝圍錦州松山。十七年隨巴顏貝勒入關。攻臨清。順治元年隨。

睿

親王敗流寇於山海關。追至保定。身先士卒。又隨都統葉臣平直隸河南山西諸州郡。所至公功爲多有。

旨于

葉臣所部擇精壯士隨英王進勦陝西公與焉戰于延安公左股中流矢先登突陣射殺四賊衆皆披靡賊遁入楚公從都統吳賴追之值雨水連縣四十日平地水數尺我師援絕公製木筏率數十人以往遇深處公命士衆坐筏上身浮水拽繩以渡數日得糧米牲畜以歸氣始壯及戰公率先躍賊首舟中獲僞國公舟敗其衆左良玉以兵降遂撫定之三年從王定浙閩招海寇鄭芝龍以唐王歸四年從將軍喀喀穆援西安賊兵盛將軍遣公突圍出七晝夜入都請



濟師仍隨兵抵軍前。先登突陣，解其圍。及勦賊季龍於三原縣也。以道狹不能進，衆皆徒行。猝遇賊，公射殺數十人。有賊從谷中突出，刀傷公腦後。及右額，公不及拔刀，以弓擊賊，奪其刀。傍賊刃斷公左手三指。弓墜，公猶挺立。羣賊鎗戳公膝，鐵鎚傷公項。乃仆。賴我兵救至，得免。昇歸軍中，越宿而蘇。軍中稱爲鐵漢。賊季龍得公弓，不能張。後歸，誠以弓饋公。以左指筴斷故，亦遂易弓。然所易弓，猶非衆人所能勝也。延安賊王雲祥以二萬衆犯西安。喀喀穆令副都統薩禱

庫提督李世忠分禦之師至白水縣縣已從賊攻其城公先登克之而賊勢張甚李世忠所轄半已隨賊餘衆皆持兩端謀渡河以避賊鋒賊追迫副都統將戰公曰不可戰衆我寡不早渡河將殲矣師速行我殿之遂渡河比公將渡而賊至公射卻之遂亦渡薩褚庫欲毀橋公曰不可賊何難修一橋不如畱以疑賊賊果不敢渡會日暮欲安營公不可曰賊相距不遠夜必襲我遂行夜失路公前導之比明與定西將軍墨爾根兵合聞賊距二十里進擊之公陣斬僞將

數人所乘馬血染皆赤大軍隨公進大敗之王雲祥以妻子奔延安餘堅守蒲城蒲城爲延安門戶將軍議攻之擇軍中驍勇者先登公胄繫小旗執短鎗懸刀于腕先登及半賊下大盤石中公左臂公攀梯得不墜及堞而餘衆始登梯公左執鎗右揮刀騰躍而上賊辟易公殺十餘人而賊四合刀劈公胄頸被傷次登城者方及堞公手援之以上賊又以鐵棍擊公右腮傷二齒公奮勇揮殺我兵蟻附皆登遂下其城公隨定西將軍前進延安王雲祥知蒲城已失遂自

賜

劉死餘黨以城降賊首平四率三萬賊屯階州戰于甘泉公先登射殺三人衆繼進賊不支遁至階州平四出戰公又率先射殺二賊遂大破之九年二月論功授拜他喇布勒哈番奉

名巴圖魯言勇冠軍也十一月隨喀將軍攻廣東公統右翼大兵攻下其城賊登城內景山大寨又攻克之賊首何善周墜井死十二年隨都統伊爾德以舟師討舟山賊與都統柯承楨屢敗僞總制陳六羽僞應義伯阮賜等十四年十一月論功加一拖沙喇哈

番十五年都統明安達禮援江南公爲前鋒。僞都督楊文英領百餘艦拒敵。敗之。獲其六十九。進至底港。又擊敗陳副將。生擒之。奪其艦。舟山遂平。康熙元年。授杭州防守禦。八年。杭州副都統圖喇擢將軍。

特旨

上命圖喇擇防守禦中賢能者補授副都統。圖喇以萬塔哈拜色名。上不及公。公疏自明。

上命

上皆召入京。見于武英殿。歷問行間前後立功及蒲城先登得巴都魯本末。

上皆

上深

嘉之。卽特授副都統。時昇平久。人不知兵。公獨日閱

士習騎射間嘗與文士凌紹雯等講習經史傍及象  
占奇門莫不洞其要竅十三年聞耿精忠叛公卽與  
將軍圖喇議飛章

奏

聞公身率千人將星夜趣仙霞奪其隘未至而逆黨  
江元勳數千人已過關前部防守禦黨喀禮與戰衆  
寡不敵失利公計衢州爲水陸咽喉守江山則賊以  
偏師綴我而衢必失遂舍江山而守衢

上命

將軍賴塔及總督李之芳等至衢大將軍

康

親王貝子傅臘塔都統喇哈達提督段應舉等分屯

諸要地遂以公守金華會溫處諸郡縣相繼陷于賊。賊四路來攻距城二十里許公率驍騎及綠旗分禦之。將戰進署護軍統領昂吉圖令之曰爾以軍從樹林隙地進然林中有伏爾軍鳴羸俟衆軍集後合擊之。鋒旣交賊陣堅不可動公進護軍夸蘭大納庫尼令之曰爾率軍從賊陣單處擊之賊遂潰公進護軍夸蘭大博特海令之曰公以兵往當擒其魁遂縛賊首顏彪以獻餘衆盡殲之昂吉圖問曰公何以預知賊伏公曰賊急來及林不進欲我往攻林中伏出蹊

吾後也。于其不進知之。納庫尼問曰。公發援師。不擊強而擊弱。然卒以勝。何也。曰。賊陣堅。不可猝拔。弱者敗。則衆心動。孫子所謂攻瑕則堅者。瑕也會養性困台州急。副都統季爾他布請援師。

康

親王命貝子傅臘塔同公率師往救之。十月敗僞總兵趙明卿二千餘衆。生擒七十餘人。斬之。二十四年又敗僞總兵胡雙奇于二十都。殺六百餘人。兵至台郡東之小梁山。後江南岸民不餉我師而潛供賊。貝子集衆議。或欲移其民于北岸。或欲俘之。公曰。移民



北岸無田產何以聊生勢窘皆賊耳俘掠則人心騷動良民亦爲寇矣吾土吾民致賊深入又不能勦滅反俘吾民寧有是哉今惟有速滅賊賊平皆吾民矣衆無以奪遂止賊犯台州之仙居駐白水洋公以貝子令往攻之賊倚山自固公夜馳八十里將至白水洋諭衆曰賊寡弱故據險自固然急攻可破也若遲則敵俱至難以克矣爾等夜行已疲且未食柰何衆願乘其未備擊之公鼓勵將士大敗之遂駐其營副都統伯穆赫林以爲疑公曰我師弱殺敵寡當退五

里而自守。今我強殺敵多。敵何暇襲我。據其營則膽落矣。遂進軍仙居。賊首朱福以五千人固守公邊城。相視畢。造雲梯以攻。遣軍城南挑戰。諭之曰。吾置三草舍。焚其一。爾等舉梯進焚其二。登梯急攻。諭綠旗將士曰。吾焚草舍一。爾舉梯以俟。焚其二。爾等自東面急攻。諭八旗將士曰。吾焚草舍二。爾以梯俟。焚其三。爾等自北面登城。又遣軍伏城西五里。諭之曰。今攻城三面。闕其西。賊必從西遁。爾等伏于石橋北林中。賊經此截擊之。又諭守營將士曰。爾等夜守營。比

明馳南山之麓。伏山谷中。賊必開西門遁。趨爾伏處。與林中伏兵夾擊之。已而公從近城高地設草舍。以次焚其三北面軍。已登城。賊果開西門遁。我兵截擊。遂奔西南谷中。伏出夾擊。盡殲之。生擒朱福。遂下其城。畱兵防守。回至台州。公相視地形。謂貝子曰。台州東西南三面皆江。而三江口往來之衝。宜立一大營。于此小梁山及遼臥白塔鯉魚等山。皆宜遣兵守。則牧地遼闊。北山賊亦不能窺。且我軍據小梁等山。則賊之糧艘不敢往來。城南之浮橋亦固。從容相視。路

徑由浮橋進兵圖復黃岩不難也。貝子雖是公言而未決。賊先據小梁山。夜掘壕三重。築壘堅守之。而我城東不得牧馬。北山亦失所恃。貝子乃屏衆問策于公公曰。及今速於鯉魚山掘壕築壘。併以兵守遼臥白塔諸山。尚未遲也。貝子如其言。併立大營於三江口。賊不敢窺我師。貝子又屢欲攻小梁山。公曰。徒傷士卒無益也。不如從他途出其不意。貝子不聽。攻之不下。相持歲餘。公訪知有茅坪。武步渺遼三小路可遶賊後。請濟師于王公。率軍至茅坪。武步二路之口。

諭衆曰此地大兵難以立營須退三十里爾等修理此路務三日內竣第四日大軍從此兩路進兵有誤卽按軍法公以大兵退是日卽潛由渺遼晝夜兼行衆慮糧不繼公決意前進兩日後茅坪武步守賊知我軍自渺遼行急移兵至公率先擊敗之及涼棚口賊衆甚堅公登高相視路隘石多賊營當其衝公遣官兵伐木製木掀與鑿番以三砲爲號我軍並從高滾木石下擊賊營賊中石者無算衆亂乘勢蹙之遂奪其營台州賊知我師繞其後敗遁溫州遂恢復黃

嚴諸縣公畱守台州貝子至溫州見賊勢盛又從王  
請得公共事十五年二月會養性等夜犯我營陷十  
三壘公趣往救之時喀爾沁他布囊何吉濟兒皆被  
圍賴公救得免賊昇木馬拒戰我師騎不得進多不  
利公收軍仗于南谷中令諸路軍分伏僻地天明賊  
陣動公突出分兵破其木馬追至城斬殺無算公預  
伏兵邀賊歸路奪其橋賊蹙半溺死水中曾養性幾  
被擒獲其僞勅印貝子喜抱公曰是役微公事不可  
問矣是年八月

親

王入仙霞關會貝子及公自石塘進貝子問所宜攻公曰大路備甚固且有伏砲宜旁攻高山上之二木城賊可破也貝子率衆從大路命公攻二木城是夜四鼓公步行登山值大霧賊不覺遂攻下木城奪賊三十三營賊敗遁兵遂得進貝子特疏稱公功

親

王兵抵省城以公同副都統伯穆林等守延平海賊吳肅取汀州邵武犯延平公帥師連擊敗之抵邵武僞將軍彭世勳率所部僞文武官獻城納款耿逆下僞將軍白顯忠自廣信僞右將軍耿繼善自建昌甯

未定自寧化之羅山皆來歸誠。公至汀州。吳肅望風遁。僞文武以衆降不數日而底定。十五城十七年八月與海寇戰蜈蚣山。將軍賴塔令公攻其右副都統胡圖搗其左。公至蜈蚣山賊立甘蔗地發火器。公候左路兵不至。乃以所部分兩路擊之。公左肩受傷。猶力戰大破之。賊走無路。皆沒于江。是年十一月。

王令公至泉州。佐將軍喇哈達。時海寇林陞于東石築城掘濠屯重兵。斷漳泉之路。收泉郡七縣糧餉。公與將軍密謀。聲言將領兵巡海。不言行期。至夜靜潛出。



南門星馳賊城下。豎梯登城。猶不覺。遂大潰。生擒  
僞總兵陳甲。餘衆多降。東石既得。而海寇接濟路絕。  
鄭錦窘。遂橫索于金門。廈門兩島。島中民從此離矣。  
公乃與將軍喇哈達計曰。海寇重兵守海澄。復以渠  
帥劉國軒拒漳州。今聞我水師出閩安鎮。又令林陞  
拒戰。勢已分矣。兩島民怨入骨髓。得一人潛至廈門。  
達海澄被陷之費。揚古探其虛實。約爲內應。乘不備  
而攻之。二島可克也。將軍如其言。遣張瑞祿密語費  
揚古。結施琅之子僞廈門總兵施亥。許以水師提督。

于潯尾舉火爲號。未幾事洩。施亥被害。海寇復搜其黨。與厦門總兵吳國俊等不自安。于是月廿七夜火賊宮殿。民皆鼓譟。公與將軍喇哈達巡撫吳興祚等。星夜馳應。復促水師提督萬正色自潯尾抵厦門。吳國俊獻城歸款。而金門亦歸誠矣。公自十三年四月出師在外。勤勞者十載。浙閩粵以次平定。於二十一年十一月旋師。前後出奇制勝。擊賊恢復城池凡九十九事。屢疏具題奉

旨議。叙者一從優議。叙者再而樞部論功。遺其六十一事。

且以在江山不能擊賊在台州不奪小梁山在海澄不能克祖山頭三事將功績三十餘事抵銷去把圖魯之名而副都統及拜他喇布勒哈番拖沙喇哈番皆削去公具疏登聞通政司都察院自白皆不得達乃築室西山之平坡每歲二月居山課耕十月入城至三十二年七月擇地延堪輿相視爲其先人遷葬畢覺體中不適自山歸醫藥罔效長君戶部員外郎圖爾泰徬徨無措公笑曰爾何愚吾年已七十矣必欲百歲乎年太老亦何味也舊同事諸大僚視疾或

以溫語慰藉公笑曰吾年七十豈懼死哉顧自少壯  
執弓矢從戎事以報

國

家今不死于戎行死于牀席婦女子之手爲恨耳取

筆視將有書復止諸君跪請公曰我之誨爾非一日  
矣平時言行倘不克遵何以亂命爲越二日晨坐謂  
諸子曰吾自幼身冒干戈死而復甦者數四吾神不  
亂爾等無多懼多哭以溷我又三日起沐浴畢呼諸  
子入曰吾言吾心盡矣言畢瞑不語氣漸微端坐如  
常至夜歿享年七十公勇力絕倫而深沉好謀略剛

龍勳  
國

方不屈於人而折節文士虛心延訪必盡所長號令  
嚴明而視卒如愛子其自浙還京師也浙人攀留遮  
道有送至數日不忍歸者

論曰昔杜元凱有平吳大功而洛中之饋不絕往事  
於今可慨已閩自耿鄭二逆之變身不履行間而冒  
功至左都督者數百人從

舊出奇制勝如吳公乃不能以功掩罪將謂  
家賞不私暱近罰不遺遐遠用以鼓舞疎迷之勞臣  
耶於戲角巾私第口不言功於大臣之義則得矣持

聖朝。

節封疆中樞握柄而鬻樹非類使孤忠戮力萬死不顧一生以衛社稷者終身淪沒於核功罪惜名器至意不大有負耶

聖天

子日月之明無微不燭採諸見聞事期傳信庶幾九

臯聞

天之一日云爾

得一道人曰數行中無數曲折此法唯左氏能之史

漢遂辭費矣至叙戰事簡論兵反詳此等處皆筆

筆左氏非近人所能贊名論宏議筆力直可扛鼎

當於東西京之間求之

歲丁巳之夏泉郡恢復安溪同泉郡諸紳入謁  
康親王辭歸約余偕行卜居湖頭至郡城諸紳十三  
人延余同遊清源山是日登其巔余望城中氛  
甚惡余欲畱宿山中安溪堅持不可遂歸入城  
夜宿黃氏宅傍城之西夜半忽聞城外喊殺聲  
城上砲聲不絕已而鐵騎奔馳喧言賊入城衆  
皆起安溪徬徨無措從余占之余仰觀良久答  
以當有賊圍城城中有內應然無傷也衆噤不

敢出語余適病咳衆患之且私議余年少未習  
事不知利害者余笑曰賊當北走矣衆未信未  
幾砲聲北向余顧二僕指示曰北有黑氣倘更  
加大爾呼予寤若漸消爾等亦休息可矣語畢  
解衣就寢僕輩亦熟臥諸公戰慄達旦比天明  
安溪入予臥內搥床呼曰賊至矣予寤笑曰賊  
來爾安得至此安溪乃強予起叩予何以望氣  
知賊有無余笑不答且辭欲歸省慰老父安溪  
不可曰我當歸湖頭君爲我視途中賊有無若



何余諾之至暮余告曰賊在北不在南恐正當爾歸途也衆訝曰海寇自南來潮退則乘船去無北行理余答曰試偵之至明安溪胞叔諱日煜者自外喧呼入曰陳先生神人也賊乃山寇尹公以五百餘人圍城有奸人導之入至鼓樓我兵射却之今退札某地正當湖頭路也衆皆駭服是暮安溪復強余再視余答如前至明偵之果未去也凡如是者三日至第四日余謂安溪曰賊去君明日可行我將歸省安溪不許猶

未信余言也。至次日，其素所召募鄉兵百餘人，以旗鎗迎言。賊當來路，昨午後始退。某等始得來衆，乃大駭，謂諸葛忠武之料敵，不是過也。然安溪自此忌余益甚。至戊午歲，劉國軒以兵圍泉州，郡副都統雅公及吳公恐郡中紳與賊內應，也給以議公事，覓一館延居之，不令歸。晝則城上勞師，夜歸則與共話。衆皆感嘆，謂我等惜不得陳省齋在此，未知賊退在何日也。吳公異其言，叩之衆，以余舊事告。吳公異之以語將軍共。

國  
貽書撫軍立請余詣軍前時余在京師有訛言  
余道斃者吳公弗之信也遣人至省再三及聞  
余將歸皆大歡慶予抵家而撫軍親詣余述將  
軍副都統厚意余惘然也撫軍促予行遂謁將  
軍及公于泉公出迎大門之外延余上座欲待  
以師傅之禮余固辭而將軍及公之禮遇優渥  
異常深愧無以酬長者之問也已而予入都公  
遣人送四十里外且訂余早歸詣軍前同爲  
効力予憮然曰無庸也君等皆麟閣中人我不得與

且未知所稅駕矣已而余被謫詠謫畱都公凱旋在京不獲登堂一晤比予奉

恩旨入都公捐館已數載矣從長君圖君訪公遺事爲傳其略如此撫今追昔歎歎涕零粗述顛末以誌知己之感云松鶴老人識

都統楊公傳

公諱文魁字子偉號逸齋先世

人曾祖紀官和

彝備尉遂家於遼陽子世旺幼有大志未及仕而歿遺孫汝松從我

太祖高皇帝以戰功授世襲拖沙喇哈番兼佐領隨

世祖定鼎燕京出師山東年三十八道卒元配朱夫人生公

幼而岐嶷外祖朱文啓有人倫之鑒常謂人曰是兒必大楊氏之門甫五歲父櫬自山東回京哀毀擗踊如成人而晨夕慇懃慰藉其母人皆嘆異年十八襲

恩詔

父職拖沙喇哈番少年練達嘖嘖人口順治八年  
加一級陞爲拜他拉布勒哈番順治十五年隨征南  
大將軍信郡王征雲南攻沅江府力戰有功先是所  
兼佐領驍騎校攝之至是當事者以爲言遂於順治  
十六年復得佐康熙十三年討吳逆樞部以公素  
剔歷有聲將遣行都統祖公永烈副都統李公林隆  
念公素性純孝且母年老將留之公奮袂前曰公等  
誠愛我但我世受

國恩今日報

國

家乃所以報老母也。其母朱太夫人聞之曰：「見善識吾志，倘此行有所建立，可含笑見吾先夫子地下矣。」遂以部署叅領隨大將軍順承郡王南征，師駐荆襄。多所建畫，身在行間，而惟以老母爲念。一日晝寢，有所夢，忽寤，急呼家人喬自成、王好學兩人曰：「太夫人其病乎？」汝二人宜速馳歸省，遲恐不及見矣。潛然泣下。二僕兼程入京，則母已殮矣。其孝感若此。公元配傅夫人恐傷公心，摹太夫人手筆爲家信，以抱疾得愈馳僕報。公信之十七年，擢叅領，十九年三逆蕩平。

旋師至保定始得凶問長號隕地逾時始蘇匍匐廬於墓次日號慟不絕聲親友勸慰者相屬于道但言願從母九原有何官之可戀也旗職例親喪百日卽起視事公欲終三年服制扼於例遂具呈乞休不允時大學士巴泰管都統事極勸勉之一日隨巴泰入朝奏事

# 上問

何人衣垢敝至此巴泰以名對且極言公之賢曰此人事母極孝以出師在外其母在京病故哭泣成病屢乞休終制臣勸阻之未許



上笑曰既如是可令易衣巴泰顧公諭曰此後宜遵  
旨改之自是乃少易衣康熙二十二年

上大閱八旗文武騎射

溫旨獎諭巴泰復奏此人不獨騎射其治事更練達二十  
三年春鄭氏歸誠將設鎮臺灣

上諭大學士勒得洪明珠曰朕憶巴泰常言楊文魁之賢  
爾召至閣詢之時巴泰已予告對曰其人信賢吾當  
力保閣臣卽以

奏聞

上命

以都督僉事鎮守臺灣以長子榮轄其佐領事

賜

宴乾清門請以滿洲筆帖式二員自隨

特旨

俞允後不爲例復

賜

鞍馬遂抵臺臺本海外紅彝島嶼王化不及番人性  
桀驁內地民附籍者亦多遊手寬則頑梗不可訓急  
則易致亂公紀律嚴明而拊循兼至抵鎮卽勤理營  
務數月皆有條理乃爲兵民講解

聖諭

俾知孝弟廉節勸農務本使習勤儉恭敬立義學聘  
內地名儒爲之師置學川資貧士膏火秀良子弟蒸

蒸向學內地入籍者益衆介士子弟有發憤就學而登武科第者時有鄭氏餘黨蔡機公者匿島中煽餘氛爲民害至是感服公威德就撫從此民安訟息文武和衷處斯土者忘其爲海外之天也巴泰一日入朝

上問

曰汝大喜巴泰茫然不知所對

上徐

曰藍理昨陛見朕問臺灣總兵若何藍理對云練兵馬興學校潔己奉公兵民相安每日惟食腐菜朕思楊文魁爲封疆大臣惟食腐菜居官可謂清矣爾素

恩

言楊文魁之賢朕不意其能若此豈不喜已泰乃謝而退時監理又謂臺灣屯田可省兵餉欲以臺兵萬人發四千屯田事下督撫提鎮會議督撫皆互諉不遽覆公乃特疏言臺灣新入版圖田皆民業奪爲兵田已萬不可況兵皆內地抽調父母妻子隔海相望誰肯舉家渡海屯田乎必不可行也疏入奉

俞旨

兵民歡呼載道及舉行軍政劾者人無怨言所舉如林夔等多歷鎮帥有聲二十六年春奉

旨內

陞本旗副都統報至臺灣兵民爭繪像立祠比新鎮

交代將渡海兵民擁馬首不得前號泣聲聞數里在  
道卽擢都統及謁

陵畢入見

上問地方情形

奏對甚悉

賜坐

溫旨慰勞良久復

賜晚膳及茶而退及蒞都統事益加敬謹而專以敦節

儉厚風俗勤訓練爲事旗務爲之一新本旗祖氏鉅

族以奉

嚴綸族人暨不叙用適京口副都統缺員有

旨令京口駐防協領來京

陞

見公獨以本旗協領祖澤源弓馬嫺熟効力年久老

成練達爲言衆皆愕然

上是

公言卽擢爲京口副都統中外頌

天子

聖明益服公之膽識也庚午春噶爾旦蠢動

上命

副都統李公林隆統領火器出勦五月

命公

同副都統伊雷等率前鋒會同李公相機而行八月

遇賊於烏蘭布通合戰

命公

代國舅佟國綱統四旗火器營事十月凱還明年正月

上發

帑金二十四萬五千生息膳養兵丁公曰

皇上

愛養旗人至此吾輩敢不仰體

聖意

與同事會商立庫設官凡出征奉差吉凶困苦皆仰賴

聖恩

不至無告又於每叅領設一義學擇師教之時勤課試歷科中式本旗獨盛公蒞武事而獨留心文教其

識量有過人者。公自乙卯感夢太夫人疾。遂恍惚不寧。或中夜大呼曰。吾不及見母矣。或數日不食。或食不知止。人或以爲狂。久之嘔血幾殆。後雖愈。終難任勞。壬申冬疾作。

上賜御醫調治。明年奉

旨溫泉養病。冬病復大作。乞休。

予告至甲戌春。病篤。惟以不及送太夫人終爲恨。遺令薄葬。勉子孫報。

國恩。無一語及家事而卒。



龍。

逸史臣曰先聖謂蒞官不忠戰陣無勇非孝也楊公終身孺慕而出師則慷慨請行遂摧大憝所謂求忠臣必於孝子之門者其在斯人歟其遺愛在海外幾于召伯甘棠固不獨文翁能化蜀矣公捐館而長君亦擗踊嘔血以至骨立其事母傅太夫人稍違和輒倉皇不自勝孝德相承當世之模楷也夫從勳舊類皆金貂累葉獨公以孝德世其家允名教之光哉

得一道人曰政府不請奔喪而天經地義絕矣此公

何幸以此傳名教竟在干城中也可嘆

都統李公傳

公諱林隆字紹銀世爲鐵嶺望族。高祖如梧寧遠伯從子也。

太祖高

皇帝授三等阿達哈哈番世爵。祖獻箴以從。

龍

軍功進一等阿達哈哈番任叅領。父諱向文旣仕改

諱色冷遇

覃

恩加授阿思哈尼哈番

國

朝定鼎之明年而公生。順治十年公父以刑部左侍郎副都統兼蘇州等處副將軍出師浙江十二年奉

命

同大將軍出師京口防海其冬卒于鎮江管署十四  
年公年十三襲阿思哈尼哈番爵越明年公大父亦  
捐館公當承重先是司寇公以清白傳家既歿而家  
中落公賴大母麻太夫人母蘇太夫人善持家連遭  
大喪營畫窆窆葬祭莫不備禮公幼而岐嶷垂髫氣  
量宏遠宗黨愛重時侍叔祖太保公左右有所應對  
開敏出人意表太保公深器之曰此真吾家千里駒  
異日必當乘風破浪爲

國  
家翊運宣猷也遂命入家塾與叔祖輝祖耀祖叔父

鈔從兄林盛同時肄業。後一一皆貴。顯歷節鉞封疆。著績云。

今上

御極之元年。公以本爵隨旗入朝。八年擢副都統。奉

旨

校射禁廷侍宴。

賜

食異數。頻加兢兢自矢。以公餘讀書講藝。務有大建

豎以報

知

遇于玩好。雜技無所嗜。時有

旨

命司空集諸武臣議。收天下攻城大砲。以道遠費不

貲。計輕重擇其可用者。衆茫然。公獨對曰。聞之先達。

砲必三千斤方可攻城。小則力弱。大則運行為累。子必十斤方可摧堅。小則無濟。遂以公言爲定。吳逆叛。都下奸人謀放火乘機爲變。公知卽統卒捕緝賊首。事平有掠奏要功者。公不較也。十三年。楚鄖陽副將洪福叛有。

旨以公所領禁旅與都統范達禮同保鄖襄陞辭

不皇太后懿旨獎諭

賜食尚方及白鏹百。繼聞耿逆之變。大司馬傳

旨前途相緩急接應。公出都師至長新店。卽集所部將

聖天。

御

弁論曰。比師出途。多怨咨。夫朝廷設兵以衛民。非以擾民。當此人心皇皇。官兵不能體。

子憂民意。重加蹂躪。汝等宜自愛。倘違令法。在必行。以故官軍所至。安堵大河以南。有小李將軍之頌。

前侍衛色胡里回京。見公一名馬悅之。公不與。或咎公公曰。受命出師。中途賂近臣以戰馬。吾不爲也。其持正不阿類此軍抵襄陽之明年。調守鄖陽。從逆總兵楊來嘉陷穀城。擾均州界。都統柯彝告急。貝勒調公赴援。時公與駐防軍合止六百人。而均城叅將曹

進麟又謀爲逆。內應公虛張軍實。防範整嚴。曹不敢發。而楊逆亦遁去。遂回鄖陽。明年春。賊將譚洪來寇。抵鄖陽東山。列營十二座。自夏及秋。兩軍相距。賊忽于中秋日。駕百餘艇。順流而下。直趨鄖城。鎗砲交作。鎮安將軍噶爾漢命師出擊。不克。賊舟泊城西琵琶灘。我軍屯山麓。彼此觀望。公言于將軍曰。譚賊無能爲也。相持已兩月餘。我師奮勇勦滅此賊。則山營之賊不戰自解矣。將軍不從。數日。請計事。公仍述前言。將軍以無船辭。公乃親往覓船得之。檄撫治楊茂勳。



提督佟國瑤共相犄角。時賊於下流江坵壘石爲堞。藏火器水則擊船。陸則擊岸。上人馬公偵知之。水陸三道並進。欲使賊接應不暇。部署已定。而馬兵與南岸步兵聲援不時至。水師落大洪不得進。遂無功。公默念沿途險要有青草口石屏風石龍窩兒等處。皆明時強寇。嘯聚舊穴。寇若順流據之。非數月不拔。而我兵城內糧不繼。利在速擊。適撫治亦欲次日決戰。與公意合。公卽應曰。此番非戰之過。乃調度失宜耳。今余轉戰時。公令標兵守下流。毋致一人脫走。撫治

然之於是督催諸營同時俱發責讓夸藍大之不前者務馳馬亟進命水師沿灘而下又命步兵由南岸直趨賊屯一時努力夾擊兵交之際日在高春夕陽倒映飛鏃如雨岸上排鎗所中必洞轉盼洄波盡赤賊果不支棄船奔潰而下江兵不能截公急命追襲直至均州盡獲賊船餘衆四竄是役也大將軍深加慰勞題請移駐穀城休養士馬百日得

俞

旨至十七年王命委署河南提督事專駐彝陵公以彝陵東控荆襄南連巴蜀城北之南津關南之西賽

壩爲賊所踞則我軍不能直擣成都而秦蜀之門戶  
中斷宜儲重兵扼要於是築長壘自西而北而東以  
蔽之中則八旗禁旅楚督河提互爲主客水陸騎步  
綦布星列於州城內外及對馬山壁壘旌旗相望議  
者或以州與山相距十餘里中間宜設一營爲援公  
曰不可環城立營犄角爲勢皆有應援之責也倘設  
耑師人各推諉且援者旣出其地有失誰任其咎乎  
十八年

王師渡江將取滇黔公以大師南下賊蟻聚滇黔蜀必

空乘機入蜀時也。書與督師蔡毓榮。盧崇俊。激切言之。弗納。復與楚提徐治都議。發楚標兵鄉導。同河南兵前赴興山。巴東一帶。偵虛實。可取則取。而楚提又以無兵可發。辭。會裁河南提督。不果。是年夏。公母蘇太夫人卒於京師。軍前聞訃。秘不得發。抑鬱憂傷。不禁。明年春。公自彝陵赴萬縣。跨驪行山谷。思親昏痛。墜崖澗中。驪立斃。而公僅傷足。踞石坐。家人由前谷取路入澗。趨救。僅免。行次巫山縣。與貝子屯達會。抵夔州。王命貝子速據重慶。而命公從容進發。蓋王欲

國

得公同行也。公慮王駐荊州淹留不得自効，遂馳詣萬縣縣界萬山中，巉峻其民多恃險，獫狁有譚弘兄弟三人窟宅太白崖自雄。

朝定鼎初歸款，授川北總兵。兄弟皆侯爵，蓋招徠遠人意也。而鷹眼難馴，狡焉思逞。公察其釁萌，時與山僧野老探論地形夷險，已悉。謁貝子於重慶，貝子問曰：「譚弘反否？」公曰：「大逆難以驟加人，但察其爲人浮傲，值此多事之秋，恐難自安。然小有才耳，其子皆豚犬，倘蠢動自速，死不足患。」貝子使入京爲弘所殺，果

反矣。公卽詣貝子計曰：弘初反從者烏合，志未定。我兵急進，一鼓可滅。貝子猶豫，公促之。且請先據涪州，制其通黔中消息。貝子猶未決。公又言：我軍駐重慶，環城皆水，無船何以濟？貝子曰：船何由得？公曰：事有責成，則可。請選擇官兵，毋掣肘。可之。越四日，得船十六，治樓櫓器械，列艦。請貝子閱舟師于江。時譚弘已受吳逆，明威將軍僞號聞我兵將蹙之，憂惶發病死。其黨秦獻韞聚遺孽爲亂。公率舟師進，勦步騎同日就道，過塗山，昭陽灘，山坳水洑，賊舟出沒。公命遊

艇擊之明年出銅鑼諸峽至木洞驛與賊漸近。晡時抵百丈梁。公登岸詳地形。見兩梁突兀江中。水分爲三。上流碎石壘處名緊急三貝號。最險要。梁之北岸洪也。中爲大洪。梁之南岸則流水而已。因令軍士試放鎗砲。會日暮收軍入舟。集將校議曰。譚寇用兵號最嚴。今我兵甫至。其窟穴之賊雜沓。探望無紀律。不過糾集烏合而已。諸君聽余號砲行事。第一砲皆聚緊急三貝二砲分兩隊進。三砲儘力奪舟。但以奪舟爲功。不論殺賊多少。若放賊舟卽以敗論。衆諾之。黎

明兵集三屯畢官兵用命奪舟拔梁殲其魁賊失勢敗衄不踰時而江面廓清時二十年之正月三日也明日探賊巢至排花洞洞有十營命健兒搜山捕砦燔其穴安輯民戶自長壽縣順流至涪州率軍循河入山直抵牛皮箐蕩餘孽傳首荒陬徧諭守宰撫綏遺黎安反側詣忠州告諭蠻夷各土司令毋匿逃寇復還萬縣鎮安將軍具壺殮迎道左曰我知公來必尅也有石竹土司獲譚弘謀主馮玉解送公軍前至忠州爲副將傳而學卒送鎮安將軍土司差卒逃訴



陸

于公公不發一日中差官數至公謂之曰傅而學萬  
縣人也我兵與譚賊相持一月馮玉旣爲謀主必知  
其中陰事今傅而學將彼密送將軍固欲速殺之以  
滅口耳宜送貝子軍前爲是將軍不從竟戮之其後  
傅而學果叛投夏逢龍也明年班師抵京

見謁

陵畢卽

赴先隴廬墓三日先是公以思親墜嵯因得喀血疾  
及歸北堂間寂抱恨終天苦出哭泣日就羸瘠引鏡  
自嘆不相識矣未幾

聖駕東巡都統扈

蹕

强奪公情理旗務其夏

聖駕幸紫光閣大閱

上問

公及副都統祖澤淳曰。爾等出兵曾于何處効力。祖

前對公繼奏曰。臣在鄖陽殺敗譚洪。在重慶勦滅譚  
弘。上曰。重慶爾未及與公對曰。臣以初三日破賊將  
軍。以初六日進城。

上領

之閱畢。內大臣愛密達奮然謂曰。我聞爾殺譚賊尸  
蔽江。賊黨胆寒奔竄。何不詳奏耶。答曰。滅賊臣子之

分。御前。非爭功之所。敢喋喋自詡耶。其冬奉旨送礮鳥喇。併教演放礮法。公親爲指授。時戶部尚書伊

桑阿造船其地。與公語。驚服其識。見超羣逢人輒嘆賞云。未幾以與叅領李嗣興。構訟鐫秩。噶爾旦叛。公以二十九年復補授副都統。大師出塞。總統八旗送礮邊外。與侍衛阿南大同行。至烏朱穆秦地界。忽遇一蒙古至阿前下馬請

上安。畢上馬同行。歡笑異常。良久馳去。公察其舉止異常。

謂河曰此何人使其主必反矣愕然遣游徼偵之則已叛矣衆驚服歸途與裕親王兵合都統諾邁國舅佟國綱適至公曰我軍與蒙古戰敗之甚易恐敗後鳥驚獸散撲滅爲難若令前鋒殺賊後二軍裹糧從之賊敗則後二軍奮力前追飛遁者截其輜重賊不能久活矣國舅弗納適有

旨

命專督火器時賊營踞烏蘭布通之東以河流淤泥爲險連絡駝馬爲壁壘而于烏蘭布通之上引駝馬往來爲疑兵以誘我軍內大臣索額圖明珠至列隊

截敵鎗砲交作賊勢挫騎兵直衝其堅賊不敢動騎  
回賊以數十騎尾後公連發數砲賊皆披靡墜馬死  
公請乘勢縱兵

裕親王不可令撤砲具回忽報正白旗遺火器火藥近  
賊壘王以語公公環甲陣前見南臨小山乃謂都統  
諾邁曰此山正當陣南倘礮藥爲賊得踞山施放患  
非淺矣宜請命奪回乃詣

皇長子請行公領前鋒百人挾矛策騎馳十餘里得砲  
泥中賊遙望見放鎗公令卒與砲先行親自斷後賊

不敢逼舉軍驚服

皇長子

裕親王索額圖明珠等皆言其英勇過人諳悉軍務非人所及也乃命公登山相度賊勢公登山四望杳無所見時賊料沙陀無水我軍不得駐乃遁入沙陀我軍遂撤兵公斷後是役視他人爲倍勞苦云三十一年陞授固原提督陞辭

上諭

曰爾父祖名臣爾熟諳邊事故深信重任爾使練兵養馬于要地秦民强悍王進寶時數爲亂宜從容整

理公對曰臣五世受

恩。今承重任。要地。惟有竭力以報。

高厚。不敢有玷父祖。部中事有定例。臣至邊有難循例者。

特疏上

聞望

皇上乾斷

上曰。有要事。令爾子煒啓奏。時公子煒年二十五歲。英俊。

不凡。器識遠大。

上器之日。侍左右。故云。公既蒞任。念固原北接銀夏。西界。

靖遠山叢水繞土瘠民貧兵燹後土著者寡前任及鄰封將驕卒惰一切廢弛于是內立關防外設議察家人將吏約束謹嚴營弁題補例有獻納或通關說公悉絕之矢至公務期得人汰掾吏選技勇皆獨創良規兵民人人悅服靖遠有地名五方寺番彝接壤黃流爲限寒冰旣合中外一家地要害而兵少公設立團練操總教習鄉兵夏秋力田春冬講武無添兵增餉之煩而人互相保衛永無反側之虞固原向多賭博盜竊公勅立互結發五營五兵互一結具年貌



技藝及餘丁名姓互相稽察。一人犯罪同結輕重。坐處盜源。遂清時。率馬步將弁於近郊。借蒐苗獮狩。以治兵。觀人材。寓刑賞。又於親丁卒挑選教以火器。親指示練習。緩急皆可用。復念邊地用武。民不知詩書。乃設義學。聘請學校明經通儒。凡將吏及民間子弟能誦讀者。厚廩餼以教之。歲時課藝。恩禮優渥。一時人士蔚然。學使者試取文學七人。武學二人。而兵民蒸蒸向學矣。明年督軍疏請築黃城兒有。

旨命公同甘提踏勘議奏。黃城兒本高昌王避暑之幹。

耳朶城南北二座在河流之東縣亘數百里番彝雜居土雖可耕而河流淤淺不能引溉午熱夜寒霜雪不時不宜種植安營設兵運饟經行彝界開釁多事而修築煩費不貲凶荒之後民業未復難於煩擾公力持不行秦民大悅嗣後外彝警信皆從公子燁密奏時方大征噶爾旦屢遣公赴甘肅商邊務隨諸都統偵探堵剿

聖駕

駐蹕邊外公請隨出師効力

上以要地必資重臣但令以勁兵駐鎮甘肅相緩急調度

守禦所請要害地宜分軍屯札皆得

俞旨已復奉

旨同阿南大領滿漢軍二千赴果多力巴爾哈孫之地。搜勦噶爾旦。遂自卜龍吉兒進至巴勒口得。

旨噶爾旦窮蹙自斃。丹濟藍已歸順。卽撤兵。公與阿計曰。聞土人言丹濟藍奔此路來。恐奔達賴喇麻宜要截之。不可遽撤備也。及回途遇丹濟藍。遂挈之以歸。遣兵護送入京奉。

旨公仍回固原。明年公奉

旨

陞授鑲紅旗都統遂入都時八旗皆於郊外擇地演習火器歲有賃地之費公倡旗員捐俸買地且蓋屋七十餘間擇兵之貧無棲止者與居之不取其直十年之中禁強暴懲奸慝繕器械補丁壯兵之貧乏者設法贍之孤嫠者加意恤之官軍戴德遠近稱頌而公家世有悍僕自崇德年中嘗誣訐公大父已置此僕極刑而其子孫世挾叛心公皆置弗較也時公子燁自三十五年解叅領任次年復爲小凌河佐領此僕復捏事誣告公聞之以大臣義當引咎自劾部議

自小凌河逮公子入京

上曰。煒安得有是。或少年任性。苛於奴輩。姑禁之家可耳。  
是年又

命公兼佐領。其冬公遘疾。乞暫休別墅。陞辭。

上慰勞。命左右扶掖。明年公病甚。

上命釋公子。令視疾。冀以慰公。至四月竟不起。遂薨。遺疏  
讓世職于伯父向舜之子。辭甚懇。

上聞訃。驚悼。遣內大臣宗室薩三侍衛五人撫靈哭奠。

賜祭葬。召公孫大均見於暢春。授以佐領。仍令兼襲世

職官軍聞訃數千百人踵門號哭哀聲徹天聞者莫不隕涕生榮死哀殆無愧云

逸史臣曰昔杜元凱建平吳大勳而癖好左氏固翩翩儒將也而洛中之饋遺不絕豈非有不得已者耶公威揚楚蜀績重邊塞而所著武備心書爲韜鈴家玉律大房山記則酈道元水經亞也文事武備無愧古人矣乃于近臣斬一馬抑何風節岸然又與杜元凱殊也余向在遼左聞公料敵如神有小諸葛之稱入都日侍

朱

卽當軸不復樞謁。僑寓與公鄰近。恨未得一登堂。晚從公子在中遊。有子姪。諒乃得悉公事。爲傳其大者。如此。在中負將相才。而數奇不偶。雖一時暫困。他日之建。豎必有大過人者。登太行而覩派。崑崙望溟渤。而遡源星宿公之世德淵源。固難以測量其萬一矣。得一道人曰史漢。自淮陰外。樊鄴絳灌皆以戰功顯。而運籌決勝。不傳衛霍勳寵。赫然而筭略亦鮮可紀。至防邊飭備。撫士練卒。經畫足爲後法者。歷代百不一二也。此傳叙戰功處精彩不減鉅鹿而約。

東措置練達周詳又何啻金城諸奏也文字之能  
不朽人如此



鎮海將軍都統馬公傳

公諱自德。號在明。原籍陝西米脂人。父進忠。明季以功封於楚。父歿時。公年十三歲。隨母張太夫人。領所統官兵男婦萬一千餘人。自拔効順。

世祖章皇帝召入京師。

賜貂鼠裘帽朝衣。

授阿思哈呢哈番給房產隸正黃旗。公聰明魁傑。器識

宏遠。幼通經傳。大義究心。韜鈴事母孝。自奉簡約。惠愛兵役。殫心職務。遇事任勞。康熙六年蒙

恩詔

加一級蔭一子入監讀書康熙十四年四月以叅

隨信郡王平察哈喇十二月

詔又

加一級康熙二十四年補授火器營叅領時火器營

初立公竭力規畫爲定進退起坐旋折分令之宜連  
拱應換之法條列添設應援槍箭棍柵諸事而營制  
大備二十七年兼授佐領是年有定邊之役詣

午門自請効力奉

旨以

左翼隨國舅佟國綱同往色楞格之地道經瀚海水  
草斷絕人馬饑渴不支公乃於廣野中自相地脉掘

地輒得水衆賴以濟咸驚爲神旋日奏

聞

上心

嘉悅二十八年。佟國綱復奉

旨往

尼不初之地分界。又自請行。又以右翼火器營叅領  
隨往。自捐駝馬衣糧。以給貧窘諸甲士。士心競奮。及  
至界。羅察陪臣持議久不決。時所將軍吏無多。或恐。  
公曰。上報。

國

恩下答知。已在斯時矣。設有不測。當以身殉之。晨夜  
竭力防衛。扁舟渡黑龍江者數四。環甲胄十餘日。不

去體議定至十月始旋二十九年三月補授火器營  
協領本年七月討噶爾旦復請行國舅佟國綱及諸  
大臣皆謂君從征者屢家業蕩盡恐不能支公堅請  
曰受

國恩養三十餘年惟有竭力報稱不容以家計自卻  
諸大臣卽以公語上

聞奉

旨馬自德窮窘朕所素知連行告往忠諍可嘉卽以本官  
充夸蘭大統本旗火器官兵隨撫遠大將軍和碩裕

親王進討本年八月朔合戰於烏蘭布通自午迄申身先士卒不顧鎗矢超柵而進遂破賊駱駝營追勦數百里師旋得頭等紀功三十年十月

皇上大閱事畢

賜宴問總理右翼火器鑲藍旗都統諾邁以所屬將領之賢諾邁以公對

上曰是人朕誌之久矣適陝西右翼副都統柏天毓調補京口

皇上以西安重地命在京諸都統各舉所知于是本旗都

統楊文魁正紅旗都統王永譽鑲紅旗都統于成龍  
鑲藍旗都統諾邁皆以公名上卽日擢陝西右翼副  
都統中外頌我

至  
上  
知人陞辭日

賜  
宴及鞍馬啓行時

至  
駕幸海子跪辭道左

召  
至前詢從前所歷

賜御鎗一桿令速赴任乃以十二月十二日任事時西  
安將軍馬喇移駐寧夏公念邊事未寧不應安坐自

請往同將軍鎮守。明年二月調甘州帥兵防勦。三十三年十二月始旋時。總督川陝佛倫入京。陛見。卽欲閱旗兵視殿。最以備。

顧

問將軍駐寧未回。公卽自督將領。環甲冑布行列。授進止。凡衝突應援。哨探防衛之宜。畢備。號令嚴肅。旗幟鮮明。將士皆雄毅整齊。傍觀紳士父老歡呼踴躍。驚嘆佛倫喜向公。賀曰。得帥如公。真。

國

家之慶也。三十四年奉。

旨以

副都統調鎮寧夏。緣八旗官兵在京未發。仍駐西安。

是年冬噶爾旦復蠢動

皇上躬行天討三十四年正月

特簡叅贊軍務同西安將軍博濟寧夏將軍舒書提督孫

思克等各統官兵隨大將軍費揚古進勦噶爾旦偵

知

聖駕親征遂北遁正月十三日大將軍統兵追及於昭本

多之地大將軍命博濟叅贊侍郎滿丕等及公同率右翼各部官兵進擊賊倚山堦蔽匿鎗砲勢不相及公起謂侍郎滿丕曰此非大砲難以取勝倉卒不及



上國

會商矣。自起揮左右移礮勝地。親行施放。凡四發。皆中其要。衝賊軍動。公卽奮前突之。大呼曰。賊敗矣。揮軍進。諸軍見公先入。遂皆奮勇蹙之。賊披靡。馬軍乘之。賊大敗遁。會天已暮。公以不盡敵。或煩後舉。遂獨前窮追。大將軍恐孤軍難以深入。令收軍。公已前去。躡之。距大將軍軍四十里。比回。則東方已白矣。公以違令請罪。大將軍勞苦之曰。君勇於殺賊。爲國家立不世功。何罪之有。凱旋。

遣乾清門侍衛馬武勞軍。公卽奏臣遠鎮遐陬。違

天顏

日久今醜類盡滅塞塵永清寧夏防兵回京師臣在外無所事乞入京以申戀慕奉

俞旨

八月十七日

陞

見暢春園三沐

溫旨

三

賜宴

又蒙

賜團

龍袍

上幸

景山校射

命侍

衛關保引觀獅虎

賜尚方御食諸果又

命引觀瀛臺及紫光閣諸禽九月十四日樞部以京口副都統員缺

奏請奉

旨寧夏副都統馬自德才器篤茂忠勤最著西路出征與有勞績陝西固重地總督將軍咸鎮於彼京口當水陸之衝尤爲緊要凡有事皆以身獨任者馬自德足以當之可以之調補十五日

召至

乾清門跪聆

聖訓曰。今以京口爲江海關梁。水陸衝要。特將爾調補鎮守京口副都統及陞辭蒙

召至

御榻前諭曰。京口官兵久安弛備。戰船尤壞漏不堪。今命爾於彼湏好爲訓練整頓。公奏曰。臣駑劣庸才。恐不足爲

聖主馳驅仰蒙

任用。敢不竭忠誠盡心力。期無負職守。仰答

聖恩於萬一乎是日

賜尚方食

特賜御書後赤壁賦一幅值

駕幸古北口跪送道左

諭以京口緊要當速赴任遂以是年十一月至鎮會同將

軍董元勳躬率旗營官兵演鎗校射列陣立矩一如  
京邊所行舊蹟數日壘壁一新遂督修船櫓春末調  
入江配演蓬桅船索訓以進退緩急乘風偏正之法  
組練蔽江來往如飛兵民聚觀驚嘆三十六年七月

十九日以西醜殄滅

恩詔

以功給拖沙喇哈番世職三十七年鎮海將軍董元勳以疾辭

上念

東南鎖鑰無逾公者

詔擢

鎮海將軍中外相慶謂大帥得人公久歷行間屢經大敵披堅陷陣積勞已久南方卑濕頻於水濱演砲感受風寒濕熱調治尚未盡痊以十二月視事至次年正月遂篤時公子世英任睢州知州已九載公前後與書數十百皆以忠

君愛民爲囑至是總督河道于成龍題

奏令世英河工効力行至德州而公疾革元配楊夫人携世英子莊哥侍側公彌留之頃令諭子世英謂予雖以前後出師故家貧然荷

國恩至此汝母子惟當以

國恩未報爲念余卽含笑入地矣語不及私而逝享年五十有三公與同事協和敬共凡事任勞撫馴兵民威惠並著至是江南僚屬官吏無不驚惋痛惜將弁兵民號慟如喪其親遺表以未答

君恩爲憾蒙

溫旨軫念計聞

皇上驚悼三月十二日

聖駕南幸至京口遣

乾清門侍衛馬武一都額真張齊致奠靈几公世爲大

帥久樹威望忠勤持重爲

國虎臣其勞績所著邊地及江左人皆能詳之舉其大者爲傳

逸史臣曰昔伏波崎嶇隴蜀卒翊真主以成大業垂



辰謨

國

勳史冊論者謂當在雲臺諸將之右較之河西竇氏則聲施偉焉公迹類河西而勳名與伏波後先相輝映豈其苗裔耶然漢廷諸將欲一鳴劍伊吾之北而功績蔑如卽伏波五溪之役亦未大伸厥志公幸奉指授掃穴犁庭至再龍旗一奮塞塵永清何其烈也伏波以長厚垂訓子弟亦僅保其家公以忠勤報貽謀而嗣子文事武備兼優偉乎將相器也扶風固望族至公而愈大矣

得一道人曰叙事詳略得法贊典茂似尉宗頓挫處

逼真司馬矣

力灼庵先生傳

力灼庵先生諱子俊字偉夫灼庵其別號也其先世帝臣後有諱起者客於閩以閩籍舉進士遂家焉自宋歷明代有躋膺仕者逮鄉飲大賓錦溪公娶劉孺人生先生數歲而劉孺人卒撫于王母鄭太孺人自幼岐嶷不凡

國

朝定鼎閩爲萑苻竊踞饑饉薦臻錦溪公避亂永陽稍定始還家食貧養母時寡僕從凡艱難勞瘁皆先生任之丙申海寇薄城當事以兵少令戶出丁禦守

先生登西城拋石擊殺賊賊衆懼其勇賊退從塾師受業攻苦不倦塾師器之歲丁酉文衡陳碧峯先生負水鑒重望得拔者若登龍門科試限於府額先生發憤曰際此時不得一青衿尚可爲人子乎哉遂盡謝交遊鍵戶陳篋夜篝燈達旦聲徹霄漢聞者莫不加敬歲試卽奪芹矛縉紳暨諸同學皆手額稱快錦溪公心以慰而先生性豪爽見義必爲堪輿家以道山平遠爲省城門戶時有廢弁盜道山金蟒穴以葬衆懼其勢莫敢櫻先生率諸同人鳴之官竟起棺驅

先

逐山靈以安。卽今范忠貞公祠地也。有友無辜被辱。于鹺副先生聯同氣白之制府。重懲其役。飭鹺副入師廟爲諸生荆。請蓋其勇於從義。知無不爲如此。以故鄉士大夫皆器重之。而以嫉惡太嚴。故或與俗齟齬。久之公論定。則未嘗不服其無私也。時方易八股爲策論。先生與諸弟讀書研園。諸史百家靡不研究。與諸同志結獻社。課文社。多宿老。而余是時以弱冠。與其列。見先生有作語。必驚人。未幾八股復。先生又取王唐陶鄧諸大家。極意揣摩。力追先正。而先生弟

介夫遂補邑弟子員。己酉臨闈。與弟期以五日。日課七藝。至夜分罷。是年余先着鞭。而先生乃反見別。至壬子歲。聞先生弟敏夫入泮。先生又與兄弟同課。如己酉故事。比余癸丑歲。自京師歸。得一握手。讀其所作。意其飛鳴旦夕可俟也。乃忽變起。甲寅逆虐。民拷餉。及先生先生正言。嫚罵逆爲震懾。而逆黨素與先生不叶。遂坐以妖言惑衆。幾罹不測。後幸得免丙辰。

王師蕩平閩海。先生乃復慶彈冠矣。歲癸亥。錦溪公赴

鄉飲賓宴之後致家政于先生日與老友結酒社登眺爲樂家務無鉅細悉稟于先生先生天性孝友凡事以仁讓爲主一家上下五十口無間言族戚比之孔梨姜被云歲庚午錦溪公捐館先生與諸弟苦由致毀不以年老飲酒食肉錦溪公遺命以食指浩繁勢不得不分異先生不忍也嘗言諸弟方壯歲當使盡心舉業不可以家務紛心親履田畝爲諸弟任勞丙子介夫舉于鄉敏夫愿夫前後鄉貢入都畱夫補永陽弟子員皆先生督課之力也其視諸猶子如己

子有善讀書欲采芹者百倍鼓舞之。子姪一門濟濟。蟬聯鵲起而先生之貽遠矣。歲丁亥爲錦溪公營葬。時先生年已七十有五。步履強健。哀毀如禮。觀者咸驚異之。晚年勵志彌銳。凡十七戰棘闈而餘勇可賈。辛卯子光春以明經薦於鄉。孫大業亦己善屬文。弟勸其頤養精神。毋自苦塲屋。始拂衣巾高寄。雖然不與科舉終不肯優游自逸。手一編課。孫不輟輿論以其孝友眉壽比之王休徵。疆力好義過于周孝侯。至於耄期進德則幾于衛武公矣。先生元配吳孺。



恩旨

人有淑德孝養翁姑得歡心爲先生置妾至再性不  
妬忌如此宜其同享遐齡膺福祉也余以戊寅歲奉  
入都先生貽書稱慶余亦訂以歸里日杖屨相從遍  
歷湖山逍遙物外乃荏苒十六年不克如所願歲癸  
己之六月余在都抱病大困。慟不知人事者經旬幸  
而復瘳方訂先生弟敏夫從

朱

邸水村泛舟嘯咏數日先生猶子昌積以家報至促  
敏夫歸敏夫驚悸達旦不寐歸寓乃知先生以六月  
二十二日逝矣余聞訃驚悼往視敏夫相對悲酸幾

不能執筆。顧念余自總角與先生研席交。知先生最深。莫如余。余敢以不文辭。因採其大者爲先生傳。松鶴老人曰。當耿逆虐。欲方張之日。紳士風靡草偃。幾不可問。甚者勸進希榮。或陷人以取利者。不知凡幾。及幸見天日。則又巧爲脫卸。高自標榜。齟齬一二怨家。不置盜名欺世。茹柔吐剛。俗情類然。曷足怪乎。先生危言正論。賊徒震竦。逆黨乘危下石。幾至覆巢及事定。恬然置鼠輩不問。使得保首領。沒于鄉里。仁者有勇。先生兼之矣。其世德所貽。綿縣未艾也。宜哉。